

Ngaenzzyihbauj

□ Lingz Siuyangh / 凌秀香

“Mehvuen, mwngz ren mbanj ra gou dauqdaej miz maz saeh?” Bohvuen cam.

“Gou caiq miz saeh hix dwg saeh iq. Gou dwg mbouj dwg gaujyauj sou gangjgoj ya?” Mehvuen naeuz.

“Mbouj miz ndwi!” Meh Yah Ma’ngeih naeuz.

“Yu! Mwngz saunde lumj dahsien nei.” Mehvuen daj gyaеuj daengz din cim mehyah Ma’ngeih da ndeu, naeuz, “Nanzgvaiq miz vunz myaiz yag lo.” De da haengj coh Bohvuen.

“Mehvuen ha, boux neix dwg mehyah Ma’ngeih, raeuz baenz heuh de guh nuengxbawx nw.” Bohvuen naeuz.

“Nuengxbawx? Bawx vunz mwngz lij naemjgedged bw!” Mehvuen naeuz.

“Mwngz luenh gangj maz ne? Gou lauhei q mwngz deng fangz haeuj ndang luba?” Bohvuen naeuz.

“Deng! Miz vunz ngaiz fangz haeuj ndang lo, simgei mbouj cingq, naj hix mbouj goq. Gyangngoenz mbwnndaen, song boux sou ndoj youq gak ranz guh maz?” Mehvuen naeuz.

“Cujyin gou, gou?” Meh Yah Ma’ngeih yawj coh Bohvuen, mbouj rox gangj maz, caemhcai q lizbae rox-naeuz youq dwk dawz mbouj dingh cawjeiq.

Bohvuen nengh de gvaq henz bae, sing daemq naeuz: “Gij saeh gvanyah gou caeuq mwngz mbouj mizgven.”

“Ne! Vunz lai daeuj yawj nw, youq dangqna j gou song ndaek marae neix lij fufuj faetfaet nw, lij ndaej dem! Vunz guh mbwn raen, byajbag sou! Bag sou baenz nohloi q bae!” Mehvuen hemqgyagya.

“Mehvuen ha, mwngz hemq maz ne? Lumj mabag raeuq ronghndwen nei!” Bohvuen hat naeuz.

“Mabag cungj beij marae aeunaj. Aeu ngaenz daeuj gou bae gyau ngaenzzyihbauj, sou youq neix laeb-daeb damzsim youzcailh sou!” Mehvuen naeuz.

“Ngaenz……ngaenz?” Meh Yah

Ma’ngeih doeksaet, yawj coh Bohvuen, fwngzgvaz goemq daehbuh cang ngaenz.

“Ngaenz, ngaenz maz ngaenz! Ndang gou mbouj daiq ngaenz nauq.” Bohvuen naeuz.

“Hw! Mwngz ngoenz lawz okdou mbouj daiq cien baj song maenz youq ndang? Ngoenzneix mwngz naeuz mbouj daiq, lau dwg soengq hawj saek meh marae luba?” Mehvuen naeuz.

“Cujyin, gij ngaenz neix mwngz dawz dauqbae hawj daxsauj ba, gou mbouj aeu lo.” Meh Yah Ma’ngeih doq gangj doq mbon ngaenz okdaеuj.

Bohvuen raen le, gip lo, naeuz: “Aiya! Mwngz gaej dawz okdaеuj hawj vunz raen vei!”

“Dwg maz dijbauj mbouj ndaej hawj vunz raen ni?” Mehvuen cam.

“Daxsauj, 2000 maenz neix dwg cujyin hawj gou……” Meh Yah Ma’ngeih caengz gangj sat, Bohvuen couh bongx gabi naeuz: “Mwngz, mwng guhmaz dawz okdaеuj? Aiya!”

“Dwg mbouj? Ngoenzngoenz naeuz boenq roengz mbanj haihoih, yienzlaiz dwg yienghneix ha? Cienmonz guh gij saeh raen mbouj ndaej vunz, raen mbouj ndaej mbwn ha! Guh gij saeh diuq ga diuq naj! Ngoenzneix gou caen mbouj hawj naj hawj mwngz!” Mehvuen doq hemq doq dawz sauqbaet gvangx Bohvuen.

Bohvuen goemqgyaeuj baenqlulu ndoj deuz naeuz: “Mehvuen, mwngz dingq gou naeuz gonq, dingq gou naeuz gonq!”

“Gaej moeb lo, gaej moeb lo!” Meh Yah Ma’ngeih doq hemq doq gvaqbae cek, hoeng de caen miz di cek mbouj gvaqdaеuj.

“Dub dai mwngz! Dub dai duz marae neix.” Mehvuen hujdengdeng gyaep Bohvuen, doq gyaep doq gvangx sauqbaet. Gyaep geij hob le, de baegfofo lo, doeklaeng hixnaengz maeuq gwnzdieg daejngungu, doq daej doq damz: “Cungj ndwenngoenz neix mbouj miz banhфap gvaq roengzbae lo. Gou……gou aeu caeuq mwngz doxliz! ‘Ngungu’!”

“Daxsauj mwngz gangj maz?” Meh Yah Ma’ngeih mbouj rox baenz-

lawz gienq lo.

“Gaej leixlangh de! Duz vunz neix di dauhleix ndeu cungj mbouj gangj!” Bohvuen naeuz.

“Daxsauj, 2000 maenz neix mwngz dawz dauqbae ba, gou mbouj aeu lo.” Meh Yah Ma’ngeih ndenq ngaenz hawj Mehvuen, Mehvuen mbouj cieп, de couh ce youq gwnzdieg dangqna j Mehvuen.

“Gij ngaenz neix samj haex gvaq, uq! Gou mbouj aeu!” Mehvuen hemq.

Meh Yah Ma’ngeih mbouj rox gangj maz ndei, couh cienq ndang yaek baema.

Bohvuen naeuz: “Nuengxbawx, gij ngaenz neix mwngz dawz bae gyau ngaenzzyihbauj ba. Lwg mwngz ciengz-geiz baenzbingh, ciengzgeiz haeuj yihyen, ndawranz yungh cienz lai, rapdawz sou naek lai lo. Ma’ngeih vih neix deng dwk hungraeuh, aen uk de gaenq mbouj lingz geijlai lo. Seizneix ranz mwngz couh baengh mwngz boux dog dangranz guhcawj, sinhoj lai lo.”

“Cujyin ha, sinhoj dwg sinhoj, mboujgvaq, ranzranz cungj miz gunnanz, gou mbouj ndaej vih swheij hawj ranz bouxwnq doxceng doxndaq. Gou gag siengj banhфap ba, gyo’mbai q mwngz lo! Gou bae gonq nw.” Meh Yah Ma’ngeih naeuz.

“Daengx gonq!” Mehvuen fwt hemq.

Bohvuen caeuq mehyah Ma’ngeih cungj doeksaet lo, lai hnaeuz de yaek guh maz saeh lanhgyaeuj dem, couh singjaeh yawj coh de.

Gizsaed, Mehvuen dingq le gij vah Bohvuen caeuq mehyah Ma’ngeih gaenq gangj le, de hix gig simcieg, gaenq menhmenh rox bonjfaenh ngeix loeng lo.

De hemq “daengx gonq” sing he le, gungj hwet vaz dawz gij cienz gwnzdieg, byaij daengz henz ndang mehyah Ma’ngeih, naeuz: “Nuengxbawx, doi q mbouj gvaq, gou loengh loeng mwngz lo. Yienz lai gij ngaenz dwg yienghneix youq ndaw daehbuh mwngz. Aiya! Gvai q daxgo mwngz mbouj gangj cingcuj. Doi q mbouj gvaq lo!”

“Daxsauj, dwg dou doi q mbouj gvaq sou. Hawj sou dem mazfanz lo.” Meh Yah Ma’ngeih naeuz.

“Mbouj miz! Mbouj miz! Mwngz naeuz ndaej deng, gizsaed, ranzranz cungj miz gunnanz, mboujgvaq gunnanz miz hung miz iq, mboujguen j hung iq, ndaej bang couh bang. Gou hix mbouj rox gangj maz dauhleix hung, gij cienz neix mwngz dawz bae gyau ngaenzzyihbauj ba!” Mehvuen naeuz.

“Daxsauj, gou, gou……” Meh Yah Ma’ngeih mbouj rox gangj maz lo.

“Gaej doi lo, ranz mwngz gunnanz lai, 2000 maenz neix couh soengq hawj mwngz lo.” Mehvuen naeuz.

“Hei! Hei! Gaenq gangj gvaq dwg ciq hawj, mbouj dwg soengq hawj nw!” Bohvuen naeuz.

“Cujyin, mwngz cuengqsim ba, gvaqlaeng miz cienz gou haengjdingh boiz!” Meh Yah Ma’ngeih naeuz.

“Aiya! Hai bak haepbak gangj cienz, sieng gij cingzngeih beix-nuengx. Gou naeuz soengq couh soengq.” Mehvuen naeuz.

“Gyo’mbai q daxsauj! Gou rox, cujyin ndaej vih vunzmbanj raeuz guh baenz baenz lai saeh, dwg miz mwngz youq baihlaeng haeujcoengh de.” Meh Yah Ma’ngeih naeuz.

“Mbouj deng! Mbouj deng! Dwg gou haeujcoengh de.” Bohvuen naeuz.

“Dwg daxsauj haeujcoengh cujyin mwngz.” Meh Yah Ma’ngeih baez ci h baez ci h naeuz.

“Aiya! Byawz haeujcoengh byawz cungj baenz, dwg vunzranz couh aeu doxhaеujcoengh! Mwngz naeuz deng mbouj deng?” Mehvuen doq naeuz doq yawj coh mehyah Ma’ngeih.

“W—— Daxsauj mwngz gangj ndaej deng!” Meh Yah Ma’ngeih simangq han. Doeklaeng song mehmbwk doxgot.

“Hix got gou mbat ndeu ba!” Bohvuen riuhaha aj song cik gen deq.

“Bouxcitien geq! Mwngz haeu-foegfoeg, byawz gyaеz gyawj mwngz?”

“Haha!” Song mehmbwk doxyawj caemh sing riu.

(sat)